

# *U KHUNYELELA*

6 . . . Nahone u vha hafha u rabela na vho inwi. Huno zwino musi ri sa athu dzhena kha Mulaedza, ndi na khonani yanga yavhudzi hafha kha pulatifomo madekwana a ḥamusi, Dokotela Lee Vayle, u bva kha tshivhidzo tsha U thoma tsha Baphuthisi ngei Lima, Ohio, we a vha e muñwe wa vha lambedzi vhanga ngei kha muñangano wa Lima. Ndo mu humbelia, a tshi da fhasi madekwana a ḥamusi, arali a tshi nga tou amba ipfi kha tshivhidzo, khamusi zwi tshi kwamana na muñangano wa Lima, lwa tshikhathinyana kana zwivhili. Huno ndo takala u, takala u ni divhadza madekwana a ḥamusi, Dokotela Lee Vayle, muñwe Mubaphuthisi a re na Muya Mukhethwa.

2 [Mukomana Lee Vayle u amba lwa miniti ya fumi iña, a tshi ṭanziela nga ha vhathe vhanzhi vha tshi fhodzwa.—Mudz.] Amene. Mudzimu a ni fhaṭutshedze, Mukomana Vayle, na inwi-vho.

3 Izwo zwe vha zwe khwaṭha nga maanda kha mufunzi wa Baphuthisi, naa a zwe ngo ralo? Zwe luga, ro takala nga maanda u vha na Mukomana Vayle na riñe. Huno zwa vhukuma mahothi o mu vuletshela u vhuya murahu a ri dalela hafhu nga tshifhinga tshiñwe na tshiñwe tshire a nga kona. Huno zwino madekwana a ḥamusi . . .

Matshelo nga madekwana ndi u—*U Vhulungwa* ha Murena Yesu.

4 Nga Swondaha nga matsheloni ndi tshumelo ya awara ya rathi u ṭavha ha ḫuvha. Huno ndi a tenda uri mukona o divhadza zwiñwe zwinzhi zwa tshumelo.

Zwino kha ri rabele lwa tshikhathinyana fhedzi.

5 Murena o fhaṭutshedzwaho, Ipfi Lau ndi Ngoho, huno ri a livhuwa nga vhanna vho Li faraho, vha sa ofhi, musi vha tshi Li ḥea kha vhathe. Huno musi ri tshi vula Bivhili madekwana a ḥamusi, kana u vula masiatari Ayo, ngavhe Muya Mukhethwa wo fhaṭutshedzwaho u tshi da wa vula Ipfi la pfecto kha riñe. Nga kha Yesu Kristo, ri a zwi humbelia. Amene.

6 Hovhu vhusiku vhuhulu vhune ra khou pembela, u vhambiwa ha Murena washu o fhaṭutshedzwaho, ndi tama u vhala ḥamusi u bva kha meme Dzawe Ene Muñe dzavhudzi, Maipfi e A vha nao o ḥwalwa kha Bugu Yawe. Kha Mateo Mukhethwa, ndima ya 4, ri . . . huno na ndimana ya 47 na ya vhu48, ri vhala hezwi:

*Huno arali ni tshi luvhha vha hañu fhedzi, naa ni fhira vhañwe nga zwifhio? Naa na vhannda a vha iti nga u ralo?*

*Fhedzi iwhani vho khunyelelalo zwenezwo, vhunga na  
Khotsi aṇu vha re ṭadulu vho khunyelela.*

<sup>7</sup> Huno madekwana a namusi ro qivhadza uri ri khou ya u amba nga ha theroy *U Khunyelela*. Zwino ri... Iyo i vhonala sa theroy i songo doweleaho u dzhia kha vhusiku ha u vhambiwa ha Murena washu. Fhedzi ḥamusi, khaṇwe, no vha ni tshi khou thetshesela radio, huno na pfa milaenda yo fhambanaho na vhaqindā vho fhambanaho, nga ndila ye vha sumbedza ilo ḫuvha li sa takadzi musi Murena washu a tshi fela zwivhi zwa shango. Ngauralo ndo nanga, madekwana a ḥamusi, u ya nga ndila yo fhambanaho, u dzhena khazwo, ngauralo zwi do vha zwo fhambanaho zwiṭuku huno zwi nga ni vusuludza zwiṭuku. Huno ngavhe Muya Mukhethwa wo fhaṭutshedzwaho u tshi ṭuṭuwedza Ipfi zwino samusi ri tshi dzhia nungo dza u U qisa.

<sup>8</sup> Mudzimu u ṭoda u khunyelela. Ri ṭoda u vhea hezwo kha muhumbulo, uri a hu na tshithu tshi re tshipida tshine tshi nga ya Vhuhoneni ha Mudzimu. Zwi tea u vha zwo khunyelela, u rabela hashu, tshiṇwe na tshiṇwe.

<sup>9</sup> Zwino, Tsimuni ya Edeni, Mudzimu o vha a na Adamu na Efa ngomu tsimuni. Huno vha ita tshivhi na u pfuka milayo ya Mudzimu, nga u ita tshivhi, u sa thetshesela. Huno musi u pfuka hu tshi da, u sa thetshesela ndi u pfuka mulayo. Huno mulayo wa Mudzimu, vhunga Ene e mukhethwa, vhukhethwa vhu songo vangwaho, huno-ha a hu na tshilavhi tsha vhuada tshine tshi nga ima Vhuhoneni Hawe. Ngauralo, arali tshivhi tsho da shangoni nga u pfuka, zwenezwo tshivhi tshi fanelwa u shumaniwa natsho musi muitazwivhi a sa athu vhuya a ima kha Vhuhone ha Mudzimu.

<sup>10</sup> Zwino, arali hu si na mulayo, zwenezwo a hu na u luga. Fhedzi mulayo u a ṭodea, kana, u luga hu ṭoda mulayo. Huno mulayo, musi u tshi—u tshi qisa, zwenezwo u bveledza u luga.

<sup>11</sup> Zwino, nga mualyo, a hu na ḥama yo tshidzwaho. Zwino, mulayo u nga si ri tshidze. Mulayo u tou vha tshithu tshe tsha dzhenisa dzhele, fhedzi a u na maanda a u rengulula. Mulayo wo tou ri sumbedza fhedzi uri ro vha ri vhaftazwivhi, huno wa ri haṭula. Ndi zwine mulayo u wa ita. Ndi u qisa u haṭula, kana u ni sumbedza hune phoswo yanu ya vha hone. Ngauralo mulayo, kha wone unę, u nga si tshidze. U nga tou hwelela fhedzi.

<sup>12</sup> Huno Mudzimu, vhunga e o lugaho mukhethwa na u luga, O do tea u vha na muhweleli. O do tea u hwelela muitazwivhi ngauri o fhira mikano ya tshilidzi, huno o no vha mudzulapo o vundaho mulayo. Zwenezwo, u tea u shumanika nae.

<sup>13</sup> Huno mulayo muṇwe na muṇwe u na tshigwevho, ngauri, tshigwevho tsha u pfuka mulayo wa Mudzimu ndi lufu. Wo do tea u bveledza lufu kha murafho wa vhathu. Huno lushaka lwoṭhe lwa vhathu lu fhasi ha tshigwevho tsha hoyu mulayo.

<sup>14</sup> Zwino, musi Adamu na Efa vho tshinya, ho vha hu si na ndila, ho vha hu si na muñwe mushonga une u nga ima kha Vhuhone ha Mudzimu hafhu, nga nn̄da ha uri tshivhi tshi shumanowi natsho. Huno a hu na munna ane a nga ita tshivhi tsha luñwe lushaka, zwi si na ndavha uri ndi tshiñku hani kana ndi tshihulwane hani, hetsho tshivhi tsha hoyo muthu tshi fanela u shumanowi natsho musi o tshi itaho a sa athu vhuya a ima Vhuhoneni ha Mudzimu Mukhethwa.

<sup>15</sup> Ngauralo, zwenezwo-ha, musi Adamu na Efa vho tshinya nahone vho pfuka mulayo, vho vha vhe vhatewaho nga lufu. Huno mulayo wo do tea u shumiswa, zwenezwo-ha zwo vhea lushaka lwa vhathu vhothe fhasi ha tshigwevho tsha lufu. Zwino arali ri tshi nga tou dzulanyana lwa tshikhathinyana zwino, kha u humbula hashu, huno ra sedza kha hetshi tshifanyiso tshihulwane, huno ra elelwa uri muthu muñwe na muñwe hafha o katelwa kha hezwi. Munna muñwe na muñwe na musadzi, ñwana, o katelwa kha tshigwevho tsha lufu, nga u pfuka ha thohe ya lushaka lwa vhathu, Adamu; nga u pfuka hawe, muñwe na muñwe washu hafha o vha tshipondwa tsha tshivhi.

<sup>16</sup> Huno tshivhi tshi fanela u shumanowi natsho. Huno ngauralo, Mudzimu, kha u vha Hawe a sa gumi tshililo na lufuno Lwawe luhulwane...Mulayo wo vha u wa u fhandekanya muitazwivhi kha Muvhumbi wawe; zwenezwo a vha a tshinyadzwaho, nahone a tshinyadzwaho tshothe, ho vha hu si na ndila ya uri a nga vhuya a humela murahu nga nn̄da ha musi hetshiña tshivhi tshi tsho shumanowi natsho. Huno zwi do vha zwo leluwa nga maanda zwenezwo u tenda kha u tshinyadziwa tshothe ha muitazwivhi magumoni, ngauri u tshothe, fhandekanya lwa tshothe kha Vhuhone ha Mudzimu.

<sup>17</sup> Zwino dzhielani nzhele hetshi tshivhi. Huno nga ndila ye Mudzimu, o lugaho, huno O vha a nga si ite tshinwe tshithu nga nn̄da ha u vha o lugaho, ngauri ndi Ene tshiko tsha u luga hothe, zwenezwo hu nga si vhe na tshinwe tshithu Tshawe tsha u ita nndani ha u vhea tshigwevho kha hohu u pfuka. Huno tshigwevho ho vha hu lufu, ngauri O ri, "Duvha line wa la zwenezwo-ha, nga ilo duvha u do vha wa u fa zwa vhukuma." Zwino, ndi tshifanyiso tsho swifhalaho tshine ra vha natsho hafha.

<sup>18</sup> Fhedzi arali ra tou ya murahu zwiñukanya, huno ra wanulusa zwenezwo zwiñaluli zwa Mudzimu, Bivhili I ri vhudza zwi khagala u ri, "Mudzimu ndi lufuno." Fhedzi naho zwo ralo, a tshi vha lufuno, O do tea u vha o lugaho. Ngauralo, lufuno a lu ambi tshithu tshine tshi nga vhandwa na u tambiwa ngatsho. Lufuno ndi u luga ha Mudzimu.

<sup>19</sup> Zwino, musi Mudzimu a tshi vhona uri vhana Vhawé vho pfuka milayo Yawe, nahone vha fanela u fa lufu, lufuno luhulu lwa dzhena ngomu u ita ndila. Ngauri, Mudzimu o vhona uri

ha vha vhana vho vha vhe vha u tshinyadzwa, u fhandekanywa tshothe kha Vhuhone Hawe. Ho vha hu si na tshiñwe tshithu tsha u itwa, ngauri vho pfuka mulayo Wawe, huno tshigwevho tsha mulayo Wawe tsho vha tshi lufu.

<sup>20</sup> Huno zwenezwo lufuno lwa Mudzimu lwa bvela nda u itela vhadzulapo Vhawe. Huno musi lufuno lwa Tshimuya lu tshi bveledzwa, tshilidzi tshihulu tsha bveledza tshibveledzwa tsha lufuno. Huno Mudzimu, nga u ñivhela phanda, musi A tshi funa lushaka Lwawe nga maanda; naho, hu na tshigwevho, O vhanga lufu lwa tshiimela u vha hone Tsimuni ya Edeni. Ho vha hu, O ita tshiimela tshivhumbwa tshi si na mulandu, ngwana ñukhu i sa ñivhi tshivhi, huno ya ya u vha tshiimela, u shuma na u fa madzuloni ha muitazwihi a na mulandu. Nahone ho vha hu ngwana, yo vhulawa, u fara matshilo a vhadzulapo Vhawe.

<sup>21</sup> Nga kha Testamennde Ndala yothe vho ñekedza malofha a ngwana na mbudzi, nngu, mboho na ñholana, lufu lwa tshiimela. Fhedzi, zweþhe kha ekonomi khulu ya Mudzimu, ho vha hu na Tshithu tshone tsha vhukuma murahu kha muhumbulo Wawe tshi no khou da, tshine tsha do vha. Izwo zwo vha zwi murunzi wa Tshithu tsha vhukuma tshi no khou da. Huno Tshithu tsha vhukuma tshe tsha vha tshi tshi tea u da, ho vha hu Murwa Wawe mubebwa e ethe. Ngwana dzothe dze dza fa ho vha hu murunzi fhedzi. Huno murunzi ndi tshipida tsha negethivi tsha tshithu. Huno yo tou amba fhedzi nga ha u da ha Khalivari.

<sup>22</sup> Zwino kha tshifanyiso tsha hezwi, kha ri vule kha Bivhili dzashu, kha Bugu ya Vhaheberu, huno ri dobe hafha zwe Paulo, muapostola muhulwane a tshi amba, a tshi lingedza uri khethekanyela hezwi zwithu. Kha ndima ya vhu 10 ya Bugu ya Vhaheberu, ri vhala hezwi.

<sup>23</sup> Huno ndi tou funa Ipfi! Ipfi ndi Ngoho. Huno ndi a takalela u Li vhala phanda ha tshivhidzo tshanga, ngauri ndi a zwi ñivha uri khatuloni ndi do ima navho. Huno ndi tea u di fhindulela. Ngauralo arali nda I bvisa kha Ipfi, zwenezwo a thi nga vhi na mulandu; ngauri Ndi Ipfi, nahone Mudzimu u na vhudzifhinduleli na Ipfi Lawe.

<sup>24</sup> Ri vhona zwinzhi nga maanda ñamusi, zwa vhu ivangeli na zwiñwe-vho, zwi tshi fhaþea u mona na vhuvha. Oo, ndi tshithu tshi shonisaho! Huno ri wanulusa, kha u ya zwivhidzoni, ri ya tshivhidzoni ri wana mufunzi wa u rali, u na iñwe mvelo yo fhambanaho nga hae, hunwe u nyanyuwa huþuku. Arali ni sa dzhieles nzele, tshivhidzo tshothe tshi do dzhia uyo myua. Arali a tshi vha wa u nyanyuwa zwiþuku, kana u dzinginisa thoho yawe, kana tshiñwe tshithu tshi songo ðoweleaho, zwo ralo, tshivhidzo tshothe tshi do dzhia hezwo. Huno ri na, ñamusi, kha zwivhidzo zwashu zwa musalauno, kha hune ndi minyanyuwo na zwithu zwiþuku zwa u ralo. Huno hu na ndado khulu nga maanda!

Fhedzi, oo, vhahashu vha funeaho, arali ho vhuya ha vha na tshifhinga tshire ra tea u vha kha Ipfi, ndi ɳamusi!

<sup>25</sup> Inwi ni a vhona, ndi do vhenga u ima kha khathulo nda divha uri ndo vha ndi na iñwe thukhu ya u shanduka nzumbululo thukhu yo fhambanaho, huno nda xedza vhatu. A thi vha ɻodi vha tshi vha na maya wanga kana nyito dzanga, fhedzi ndi vha ɻoda vha tshi vha na Muya wa Mudzimu nga Ipfi la Mudzimu, line la bveledza Ngoho.

<sup>26</sup> Ngauralo kha itshi tshiwo tshihulu madekwana a ɳamusi, ndi do takalela u vhala kha Ipfi la Mudzimu la U Ya Nga Hu Sa Pheli. Zwino ri wanulusa uri mulayo wo vha hone lwa miñwaha minzhi, fhedzi mulayo wo kundelwa u bvisa tshivhi. Vhunga ndo amba murahu, wo vha u tshi tou vha nn̄du ya dzhele. Wo vha u pholisa lihulwane le la ni vhudzisa zwe na ita, fhedzi lo vha li si na dzilafho la u ni vhofholola. lo ni vhea kha vhengele la tshikolodo, fhedzi ho vha hu si na Murengululi wa u ni bvisa, ngawo. Wo tou ni ita tshibanditi fhedzi, u ni ɻivhisa fhedzi uri ni muitazwivhi. Fhedzi zwino dzhielani nzhele kha Vhaheberu, ndima ya 10, samusi ri tshi vhala.

*Ngauri mulayo wo vha u murunzi wa zwithu zwavhud  
zwine zwa kha di ða, hu si tshone tshifanyiso tsha . . .*

<sup>27</sup> Elelwani, wo vha u murunzi wa tshifanyiso tshi daho. Murunzi u tou divhadza fhedzi uri hu na tshifanyiso tshi no khou ita murunzi. “Murunzi wa zwithu zwine zwa kha di ða, hu si tshone tshifanyiso.” Dzhielani nzhele, “wa zwithu . . .”

*. . . tshifanyiso tshone tsha zwithu, zwi nga si vhuye  
zwa ralo nga izwo zwifanyiso zwe zwa nekedzwa . . . u  
isa phanda na u vhea a ðaho kha zwo khunyelelaho.*

<sup>28</sup> Zwino, Mudzimu, u rangani, o ɻoda u khunyelela. Yesu, musi A tshi ða kha lifhasi, a ri, “Ivhani vho khunyelelaho, vhunga Mudzimu Taðulu o khunyelela.” Huno mulayo, u tshi vha na murunzi wa zwithu zwine zwa kha di ðoda, wo vha u nga si ite murabeli o khunyelelaho. Ni a wana tshifanyiso? Zwino kha ri ye khayo hafhu uri ni vhe na vhuñanziuri a ni pfukwi ngazwo. Mudzimu u ɻoda vhukhethwa ho khunyelelaho. A hu na a ne a nga ima kha tshifanyiso Tshawe, a na tshilavhi tshiñtuku tshithihi tsha tshivhi. Yesu o ɻanziela zwi fanaho, huno a ri, “Ivhani vho khunyelelaho, u tou fana na Mudzimu Taðulu o khunyelela.”

<sup>29</sup> Huno Bivhili yo amba hezwo, “Mulayo wo vha u nga si vhuye wa, u na zwiñhavhelo zwawo, u ita muthu o khunyelelaho.” Zwenezwo, mulayo wo vha u nga si khunyeledze tshithu na tshithihi. Wo vha u tshi tou vha fhedzi tshisumbedzi. Hezwi zwiñhavhelo, zwi no itwa ñwaha muñwe na muñwe, zwo vha zwi nga si ite murabeli o khunyelelaho. Ngauralo-ha zwenezwo, a hu na na muthihi fhasi ha mulayo, kana kha u vhulunga milayo, kana fhasi ha mirunzi, we a vha a tshi nga khunyelela.

Ngauri (ndimana ya vhu2) *zwenezwo zwo vha zwi tshi do vha zwi songo guma kha u netshedwa?...*

<sup>30</sup> Arali hu na tshiñwe tshithu tshine ndi nga ita u q̄iita o khunyelelaho Vhuhoneni ha Mudzimu, zwenezwo Kristo o vha a songo tea u mpfela. Arali hu na tshiñwe tshithu tshine ni nga ita, tshine tshi nga amba tshiñwe tshithu Vhuhoneni ha Mudzimu, zwenezwo Kristo o fela li fhedzi. A hu na u vhulunga mulayo, a hu na mihibulo yañu ya vhuñe, a hu na vhukhethwa hañu, a hu na tshithu tshine ni nga litsha u ita, litsha mazwifhi, litsha u tswa, litsha u daha fola, litsha u ya kha ḥano ḥa zwifanyiso, ni kha di vha no xela. A hu na tshine tshi nga zwi ita! U dzhoina zwhivhidzo, u rerela, zwimima, ndovhedzo, oda dza tshivhidzo, u vhala dzindaela, u amba thabelo, hezwo zwithu zwoṭhe zwi nga si ambe tshithu. No xela! A hu na tshithu na tshithihi tshine ni nga tshi itela inwi muñe, ngauri ni muitazwivhi fhasi ha u lajwa. Huno a hu na ndila ngomu hañu, kana iñwe ndaela, kana tshiñwe tshithu tshine ni nga ita kana na u humbula nga hatsho, nga ha inwi muñe, tshine tshi nga amba tshiñwe tshithu Vhuhoneni ha Mudzimu, ngauri ni muitazwivhi tsha u tou thoma.

<sup>31</sup> Huno Bivhili i ya amba, uri roṭhe ro bebelwa tshivhini, vhumbelwa vhutshinyini, ra da shangoni ri tshi amba mazwifhi. Huno Mudzimu a nga si dzhia munna muthihiuri a fele muñwe, ngauri muñwe u na mulandu sa muñwe o ralo. Vhuhoneni ha Mudzimu, muatshibishopo o bebwaho shangoni o vha a na mulandu u fana tshidakwa tsha fhasisa ḥoroboni. Muñwe o vha a nga si kone u fela muñwe.

<sup>32</sup> Ngauralo-ha, O dzhia vhutshilo vhu si na mulandu ha tshipuka, ngwana ḥukhu. Huno fhasi ha Testamende Ndala, mulayo wo vha wo ralo, musi muthu a tshi ita tshivhi, o disa ngwana kha aliṭare. Kha ri ri o pfuka muñwe wa mulayo, o disa ngwana huno a i vhea kha aliṭare, o vhea zwanda zwawe kha nngwana huno a bula zwivhi zwawe, uri o vha o khakha huno a ḫivha uri o vha a na mulandu. Wa...huno o vha a... Mulayo wo ḥoda lufu. Huno a disa ngwana madzuloni awe. Huno musi a tshi...Mukulo wa tshipuka tshiṭuku u tshi tshewa, huno tsha thoma u raha-raha milenzhe yatsho miṭuku, na u lila. Arali no no vhuya na vhona ngwana i tshi vhulawa, ndi tshililo tshi ḥungufhadzaho! Tshithu tshiṭuku tshiṭungufhadzaho tshi tshi khou lingedza u tzhemra, huno tsinga yayo ḥukhu ya dzhugula yo tumulwa. Huno samusi i tshi raha na u dziba, nahone i tshi onyolowa, huno ya dziba hafhu ya tzhemra. Huno malofha a thunyuwa, huno i ḥanzwa wulu yayo ḥukhu na zwanda zwa murabeli.

<sup>33</sup> Huno samusi murabeli a tshi limuwa, kha u ita vhupombwe, kha u zwifha, u tswa, tshiñwe na tshiñwe tshe a vha e na mulandu khatsho, kana kha kuhumbulele kuvhi, tshiñwe na tshiñwe a vha e natsho kha murunzi, o vha e na mulandu, ngauri zzwa vha zwi kha mvelo yawe. Huno o vha e muthu a re na mulandu, fhedzi hu

si nga lutamo, nga mvelo o vha a na mulandu. Huno o do tea u limuwa uri heyi nngwana thukhu yo fa vhudzuloni hawe. Huno a pfela vhutungu tshithu tshiṭuku.

<sup>34</sup> Fhedzi munna, nga u ṭavhanya musi ngwana i tshi fa, e na malofha a ngwana zwandani zwawe, o ṭutshela tshifhaṭo e na lutamo luthihi, lwe a vha e nalwo u rangani. Ndi ngani? Ngauri vhutshilo he ha vha hu kha ngwana thukhu... Vhutshilo vhu dzula kha malofha. Vhutshilo hanu vhu kha malofha anu. Ri a zwi ḋivha hezwo. Huno vhutshilo kha malofha a ngwana ho vha hu ha tshipuka, zwenezwo-ha musi sele dzatsho dzi tshi vundea huno vhutshilo ha bva kha tshipuka, ho vha hu nga si kone u vhuya murahu kha murabeli, ngauri murabeli o vha e muthu.

<sup>35</sup> Malofha o ita tshifukedzi, fhedzi o vha a sa koni u hangwela tshoṭhe; ngauri muthu o ṭutshela tshifhaṭo, e na lutamo luthihi lwa tshivhi, samusi o vha nalwo u rangani. Fhedzi, u ita hezwi, o vha a tshi khou sedza kha tshifhinga hune a do vha na Ngwana yo khunyelelaho ine ya do da. Huno o zwi ita kha tshidzimu, ngauri ndi yone ndila fhedzi ye a zwi ḋivha.

<sup>36</sup> Ngauralo, inwi ni a vhona, musi malofha o vha a tshi khou shuluwa, huno vhutshilo ha ṭutshela tshipuka, ho vha hu nga si kone u vhuya kha muthu; ngauri, tshinwe tsho vha tshi tshipuka, muňwe o vha a muthu; tshipuka tshi si na mulandu, kha muthu a na mulandu.

<sup>37</sup> Fhedzi, oo, ḥinwe duvha, miňwe miňwaha ya zwigidi mivhili yo fhiraho, Ngwana ya Mudzimu yo bebwā fhasi kha dangalitku ngei Betlahema, huno ya rangwa phanda sa nngu vhutvhaveloni. Miňwe miňwaha ya mađana a fumiňahe, haya masiari, nga awara ya vhararu ntha ha tshithoma A fa. Huno i si na vhadzi, i sa solei Ngwana ya Mudzimu ya nembelela kha tshifhambano tsha Khalivari huno ya fela muitazwivhi muňwe na muňwe. Zwino musi murabeli a tshi da kha heyi Ngwana, nga lutendo! Huno heyi ndi lushaka lwo fhambanaho lwa Ngwana. A si Ngwana u fana na dziňwe.

<sup>38</sup> A hu na munna a ne a nga da kha heyi Ngwana, nga nn̄da ha musi Mudzimu a tshi mu kokodza u thoma. Ni vhona vhuhulu ha Mudzimu? Oo, ndi a kholwa hezwi zwi a ḥwelela fhasi ngomu vhudzivhani zwino. Sedzani. Mudzimu o zwi ḋivha uri O vha a na nngu kha heli shango. O zwi ḋivha uri U khou ya u vha na vhatu vhane vha khou ya u tshidziwa, huno lufuno Lwawe lwa sedza fhasi lwa vhona havho vhane vha do tshidzwa; ngauralo-ha, nga u dzula o ḋivhela phanda, O ta Tshivhidzo tshine tsha do tangana Nae nga hangei, tshi si na vhadzi kana dondo. Huno arali Mudzimu o ḥoda Tshivhidzo tshi si na vhadzi kana dondo, O do tea u vha na tshiňwe tshithu u tshi ita nga iyo ndila. O vha a nga si tshi ḥode, u luga Hawe, khatulō Dzawē dzo vha dzi nga si Mu tendele u vhudzisa tshithu tsha u ralo arali ho vha hu si na ndila ya u zwi ita.

<sup>39</sup> Huno muthu a nga si zwi ite ene muñe. Ndi o balelwaho lwa tshothe. Mudzimu o mu tendela u vhona hezwo nga kha mulayo, nga kha vhahačuli, nahone na nga kha Testamennde Ndala yothe. O rumela vhaporofita, O rumela vhanna vho lugaho, huno vha wanulusa uri muñwe wavho o balelwah.

<sup>40</sup> Ngauralo, Mudzimu, nga tshilidzi Tshawe tshihulu, a rumela, u bva kha mahothi a Vhugala, Murwa Wawe mubebwa e ethe, u dzhia fhethu hashu.

<sup>41</sup> Elelwani, arali a vhe O ri mupapa wa Roma a zwi dzhie, o vha a tshi do vha a songo kona u zwi ita. Arali O ri muatshibishopo wa Canterbury a zwi ite, o vha a tshi do vha a songo kona u zwi ita. Arali O vha o vhidza kha mufunzi khotsi mukhethwa nga maanda kana bishop wa shango, o vha a tshi do vha a songo kona u zwi ita. O vha a tshi do vha o landulwa vhunga Yudas Iscarioto o ralo. O vha a nga si zwi ite, ngauri o vha “o bebwa tshivhini, vhumbelwa vhutshinyini, a da shangoni a tshi amba mazwifhi,” huno a ḥoda tshithavhelo a tshi itela ene muñe.

<sup>42</sup> Haleluyah! Fhedzi ha da Muñwe a tshi bva kha mahothi a Vhugala; a hu na muñwe nga nda ha, hu si muthu, hu si muthu wavhudzi, kana Muyuda kana Wannda. O vha a si tshinwe tshithu nga nda ha Mudzimu Ramaanda othe, u didzumba kha nama ya muthu. O da, Ene Muñe, u nekedzwa Malofha Awe Ene Muñe, ngauri Ha ngo da nga kha vhudzekani. Vhudzekani a vhu na mushumo nazwo. Fhedzi O tsira musidzana a sa divhi munna, huno a bveledza kha sele ya Malofha e A sika, Ene Muñe, A si na mulandu.

<sup>43</sup> Zwenezwo tshidzo yanga, yanu, madekwana a namusi, a iho kha maga a mishumo yashu. I kha maga a phosethivi ya tshilidzi tshihulu tsha Mudzimu Ramaanda othe We a ri nanga Khae. Zwa vhukuma. Ndi nga si vhuye nda vha o khunyelelaho, kana ni nga si vhuye na vha o khunyelelaho. Nahone a ri vhili u vha vho khunyelelaho. Fhedzi ri na heyi khuthadzo nthihi, ya uri, lutendo lwashu lu awela kha Tshithavhelo tsho khunyelelaho tshine tsho no di ḥanganedzwa!

<sup>44</sup> Huno zwenezwo ri zwi divha hani uri ri wana Hezwo? Musi mu loshi a tshi vhea zwanda zwawe, nga lutendo, kha muvhili wa Murena Yesu, huno a pfa nyofho dza tshivhi, huno na u holedzwa ha u pfelwa mare kha tshifhačuwo tshawe, a pfa u gomela ha Getsemane, zwililo zwa Khalivari, huno a zwi divha uri u na mulandu, huno a bula zwivhi zwawe nga ndila yone, “O Murena O fhačutshedzwaho, ndi na mulandu. Huno a thi na inwe ndila fhedzi Iwe u nthuse. Huno nga lutendo... Ni khou humbelwa, Muya Mukhethwa, wo da wa nnyita uri ndi de. Huno nne zwino, nga lutendo, ndi ḥanganedza Yesu sa Mutshidzi wanga.” Uvho Vhutshilo he ha bva Khae ngei Khalivari, vhuno vhidzwa Muya Mukhethwa, he ha vha ho dzumbwa kha sele ya

Malofha a Murena Yesu, vhu humela murahu kha murabeli huno a mu lovchedza nga Muya Mukhethwa, kha Muvhili wa Kristo.

<sup>45</sup> Huno O no haṭulwa. A ni tei u vhilaela nga ha khaṭhulo. Samusi ndi tshi rembuluwa nda sedza kha tshifhambano tshiṭuku, ndi elelwa zwauri, tshi imela muvhili Wawe. Huno zwino uyo muvhili wo no q̄ihaṭulwa. Mudzimu a nga si u haṭule hafhu, ngauri wo no di haṭulwa. Mudzimu o posa khaṭhulo ya lufu kha uyo muvhili. Huno fhedzi tenda nda wana ndila ya u dzumbama kha uyo muvhili! Khaṭhulo Yawe yo rwelwa nne na inwi. Ro vhofholowa! Vharoma 8:1, ha pfi, "Zwenezwo-ha a hu tshe na u laṭwa kha avho vha re kha Kristo Yesu, vhane vha sa tshimbile u ya nga ha ḥama, fhedzi u ya nga ha Muya." Heneffo ni hone, a hu na u laṭwa! A thi na ndavha zwine zwa ḫa kana u ḫuwa, no dzumbwa fhasi ha Malofha.

<sup>46</sup> Hafhu, naa ri dzhena hani kha uyo Muvhili? Vhakorinta vha U Thoma 12:13, i ri, "Nga Muya muthihi!" Naa Muya u ḫa hani? Nga kha Tshiṭhavhelo. Naa Muya u dzula gai? Nga ngomu ha Malofha. Ndi ngani tshipuka tshi songo vhuya murahu? Ngauri tsho vha tshi tshipuka. Muya wa tshipuka wo vha u nga si kone u ḫa murahu kha maya wa muthu huno wa ita tshiñwe tshithu khawo, ngauri maya wa muthu wo vha u wa vhutshilo ha n̄tha u fhira ha tshipuka. Fhedzi a hu na maya wa muñwe muthu we wa kona u ḫa murahu. Arali ni na maya wa vhañwe vhadzimu, ndi vhurereli. Fhedzi Mudzimu Ene Muñe o ḫa, uri Muya Wawe Ene Muñe, une wa vha tshikalo tsha n̄thesa tsha maya u re hone, u nga vhuya murahu nga tshivhumbeo tsha ndovhedzo ya Muya Mukhethwa, kha murabeli, nga kha Malofha a Kristo, huno a muisa kha Muvhili. O vhulungea!

<sup>47</sup> Sedzani. Malofha a mbudzi na kholomo o vha nga si shume, ri tshi vhona uri o vha a sina maanda. Zwino kha ri thome u vhala, nga ha ndimana ya vhu<sup>12</sup>. Zwo luga. Malofha a mbudzi na kholomo o vha a nga si shume, nahone o vha a sa koni u pfumelela. Sedzani.

*Fhedzi hoyu munna, (Ufhio Munna? Mubishopo? Hai. Mupapa? Hai.) . . .*

*Fhedzi hoyu munna, nga murahu ha musi o . . . o nekedza tshiṭhavhelo tshithihi tsha tshivhi lwa tshoṭhe, a dzula fhasi kha tshanda tsha u ḫa tsha Mudzimu;*

*U bva zwenezwo o lindela u swika maswina awe a tshi vhewa fhasi ha vhukando ha ḫayo dzawe.*

<sup>48</sup> Naa no lugela? Naa no lugela Ipfi? Thetshelesani Hezwi, zwenezwo ndi ḫoda inwi ni tshi Zwi tendela zwa ḫwelela fhasi. Thetshelesani nga vhuronwane.

*Ngauri nga tshidzimu tshithihi (hu si ḫwaha nga ḫwaha, hu si mvuseledzo nga murahu ha mvuseledzo, hu si muṭangano nga murahu ha muṭangano, hu ḫuvha nga murahu ha ḫuvha) . . .*

Fhedzi nga tshidzimu tshithihi o k-h-u-n-y-e-l-e-d-z-a (vho ralo? O ralo!)...

...nga tshithavhelo tshithihi o khunyeledza (iyo ndi thodea ya Mudzimu) lwa tshothe avho vho khethefhadzwaho.

<sup>49</sup> Khezwo-ha. Ndi phindulo kha lufu lwa Kristo. Ndi phindulo kha Khalivari. Ene tshothe, nga Malofha Awe Ene Muñe, o rengulula zwivhi zwashu, huno a khunyeledza lwa tshothe, vhatendi Vhawe. Ngauralo-ha, kha Kristo ri ima ri si na mulandu, ro khunyeledza kha Vuhone ha Mudzimu Raamanda othe. Ri vhathu vho shayaho, nga dzipfunzo dzashu; ro vhudzwa u pfi ri tea u vuwa huñwe fhethu, ri fanela u ita tshiñwe tshithu. Hai, mukomana wanga, a si tshithu tshe na ita; ndi zwe Mudzimu a ni itela! Zwino riñe ri, arali ro itwa vho lugaho nga lutendo, ro khunyeledza lwa tshothe Vuhoneni ha Mudzimu.

<sup>50</sup> Zwenezwo Yesu o ri, “Ivhani vho khunyelelaho zwenezwo-ha.” Zwenezwo, tsho khunyeledza lwa tshothe. Mudzimu, nga kha lufu lwa Kristo, miñwaha ya mañana a fumiñahe o fhiraho, ñamusi, vho khunyeledza mutendi, we A mu vhona shango li sa ãthu sikwa, lwa tshothe. Huno avho vhe A vha vhidza, O vha ita vho lugaho. “Avho vhe A dzula o vha ñivhela phanda, O vha vhidza; avho vhe A vha vhidza, O vha ita vho lugaho; avho vhe A vha ita vho lugaho, O no vha hulisa.” O khunyeledza vhatendi Vhawe!

<sup>51</sup> Zwino sedzani, kha ri ye murahu kha ndima ya u thoma zwino.

...mulayo u tshi vha murunzi wa zwithu zwavhuði zwine zwa kha ñi ña, hu si tshone tshifanyiso tsha izwo zwithu, zwi nga si vhuye nga izwo zwithavhelo zwe zwa vha zwi tshi ñekedzwa ñwaha nga ñwaha lu sa fhidzi u ita a ñaho kha zwo khunyelelaho.

<sup>52</sup> Sedzani “u khunyelela,” ndi zwine ra khou amba nga hazwo.

Ngauri zwenezwo zwo vha zwi songo tea u guma u nekedzwa? ngauri nga murahu ha musi mu rabeli o no ñanzwiwa zwenezwo u ño vha a si na luvalo lwa tshivhi.

<sup>53</sup> Naa ni amba mini? Ipfi luvalo hafho, huno yone, ñhalutshedzo, ndi “lutamo.” Huno arali muthu a ña, muloshi, nga ñdila yone, phanda ha Kristo, a tshi vhona u tambula Hawe, huno a ñi ñekedza kha Kristo, huno a ri, “O Murena Mudzimu, a hu na tshithu na tshithihi kha nñe tshire tsha nga pfumelela, fhedzi nñe ndi khou ditika nga Iwe tshothe,” zwenezwo houla Muya Mukhethwa u ña mbiluni ya muthu, yeneyo mbudziso ya tshivhi iya dzudzanywa lwa tshothe, ngauri lutamo luñwe na luñwe lwa tshivhi lwo bviswa kha ñawi. Ngauri arali mulayo wo vha u tshi nga ita hezwo, izwo zwithavhelo zwo vha zwi sa ño tea

u guma; fhedzi nga u vha uri wo vha u nga si zwi kone, Kristo o do tea u fa, uri ita vho khunyelelalo.

<sup>54</sup> Khonani, hu na zwithu zwinzhi zwine ri nga amba madekwana a ɿamusi, nga ha u khunyelela. Ri dzulela u lingedza u bvisa lufhanza ītoni la muñwe muthu, u diita vhakhethwa vha khwine zwīukunyana u fhira zwine vha—vha vha. Fhedzi arali ra nga sedza kha tshifanyiso, ndi nga tshilidzi tsha Mudzimu fhedzi uri ri zwine ra vha zwone.

<sup>55</sup> Hafha tshiniwe tshifhinga tsha kale, Ohio, ndo guda nga ndila i kondaho. Ndo vha ndi na muñangano fhasi Ohio, huno ndo vha ndi tshi khou dzula ngomu shangoni. Nga nthani ha u tsitsikana, huno ndo vha ndi nga si kone u dzula ngomu doroboni.

<sup>56</sup> Ro vha ri tshi la kha resituwarenthe ḥukhu ya Dunkard. Huno hwēta dza vhasadzi dzavhud̄i, huno vho ambara zwavhud̄i, huno vho kuna u ya nga hune vha nga vha ngao, vha tshi tou vha vhasadzi, vha ri thusa. Ho vha hu tshi tou vha tshipida tshītuku tsha ṭadulu, u la kha fhethu ho raloho. Tshītanga tshavho tsho vha tsho kuna nga mañda. Huno nga Swondaha vha a vala vha ya tshivhidzoni tshavho. Hu nda pfa ndalanyana, ndo vha ndi tshi khou ya u rera nga masiari a Swondaha.

<sup>57</sup> Huno nda ya kha iyo ḥukhu...yo to doweleaho resituwarenthe ya America, u wana tshiniwe tshithu tsha u la. Huno musi ndi tshi dzhena nga munango, naa ndo pfa mini fhedzi mutshini wa u bethsa u tshi khou shuma! Huno heneffo ho vha ho ima munna wa makole a no nga anga, ane khañwe o vha e munna o malaho, a na tshanda tshawe u mona na musadzi, a tshi khou tambo mutshini wa u betsha. Mulayo washu, tsireledzo ya u luga hashu, thundu yashu, o ima heneffo a tshi khou tshinya tshithu tshe a vha a tshi tea u tshi tsireledzea. Ngauri, a zwiho mulayoni u betsha Ohio, a tshi khou tambo mutshini wa u betsha.

<sup>58</sup> Huno nda rembuluwa nda sedza u yela mafhedziselonii a tshifhaṭo, ho vha hu na tshigwada tsha vhatukana vhaswa vha thangana murole, huno na rekhodo ya roko na rolo ya kale i tshi khou lila, kha mutshini. Musidzana muswa wa miñwaha ya fumimalo, wavhud̄i fhasi ha tshawe tshivhumbeo tsha muvhili tshavhud̄i sa musadzi. Fhedzi o vha o ima heneffo na rokho yawe yo nembelela fhasi nga phanda, huno muñwe wa avho vhatukana na tshanda tshawe kha uyo musidzana, hune a zwi tei u vha hone. Huno vho vha vha tshi khou dahanu u ñwa.

Huno nda elekanya, “O Mudzimu, naa U nga zwi imela hani?”

<sup>59</sup> Huno nda sedza nga hangei kha tsha u la tshanga, musi ndi tshi pfa muñwe muthu a tshi femela nthā. Huno heneffo ho vha ho dzula musadzi wa makole manzhi, khañwe miñwaha ya furathi, kana miñwaha ya fusumbe nga vhukale. O vha a na izwi zwiambaro zwe ṭahalaho zwa kale, u tou vha hafu u bva kha

zwirumbi zwawe u ya n̄ha, huno wawe muvhili wo onyanaho wo vha u na mukhavha u nga hune wa nga vha. Huno o vha a na tshidola mulomo hafha, na tshithu tshihulu tsha phephulu nga lurumbu lwa tshifhaṭuwo tshawe, o penndwa; na phere ya zwienda, dzisendele, a na zwikuṇwe zwa nala dza phephulu, o penndwa; nala dza phephulu kha minwe, o penndwa. Huno mavhudzi awe o vha o gerwa a mapfufhi nga maandā, na hone o lukwa, nga dai dala. Huno nda mu sedza.

<sup>60</sup> Huno u mona na ḥafula ho dzula vhanna vhavhili, vho kambiwa. Muṇwe wavho (ho vha hu tshifhinga tsha tshilimo) o ambara dzhasi la zwanda zwilapfu khae, ana tshikhafu tsha girei tsho pombiwa u mona na mukulo wawe, na ndebvu u mona na tshifhaṭuwo tshawe tshoṭhe, vhutsi vhu tshi khou bva. Huno vha tsiruwa, munna a ralo, u bva khae wa musadzi, huno wa thoma u tshimbila nn̄da nga *heyi* nqila, a tshia nn̄duni thukhu.

<sup>61</sup> Nda ima heneffo. Huno nda ri, “Mudzimu, ndi ngani U sa fhelisi tshithu tshoṭhe? Ndi ngani U sa tshi nupelisa fhasi ha liphasi?” Nda ri, “Naa wanga Sara na Rebeka vha khou ya u tea u aluwa fhasi ha zwithu zwi no nga zwenezwo?” Nda ri, “Naa U zwi kona hani, Mudzimu, kha vhukhethwa Hau vhuhulwane, u kona u imela u sedza tshithu tshi no nga itsho, huno wa si rumele mudzinginyo wa tshi nupelisa?”

<sup>62</sup> Huno samusi ndo vha ndo ima heneffo, ndi tshi khou haṭula musadzi, vhunga ndo vha ndo ralo, nda humela murahu nga murahu ha vothi. Nda pfa Muya wa Mudzimu u tshi ḫa kha nne, huno nda yela nga murahu ha vothi.

<sup>63</sup> Huno nda vhona tshinwe tshithu tshi tshi nga tshi khou vhudzula. Huno musi tsho ralo, kha bono, ho vha hu shango li tshi tshi khou mona na u mona. Huno samusi ndi tshi dzhiela nzhele, u mona na shango ho vha hu na zwikole zwitswuku, u mona na shango. Huno samusi ndi tshi ya kha shango, nda di vhona, ndi tshi tou vha mutukana muṭuku, ndi tshi khou ita zwithu zwine a thi tei u ita; khaṇwe hu si *ngauralo*, fhedzi zwo vha zwi tshivhi. Huno tshifhinga tshoṭhe ndi tshi ita tshiñwe tshithu, ndi vhona murunzi mutswu muhulu u tshi ela thungo ya Ṭadulu. Zwine, Mudzimu o vha a tshi ḫo mbulaha nga uyo muniti.

<sup>64</sup> Huno nda vhona tsho imaho vhukati hanga na Mudzimu, ho ima tshila Tshithavhelo tsho khunyelelaho. Nda Mu vhona o ima heneffo ana mipfa kha ḫoho Yawe, huno mare o nembelela kha tshifhaṭuwo Tshawe. Huno tshifhinga tshoṭhe zwivhi zwanga zwi tshi thoma u yela kha Mudzimu, U ḫo tshi hovhelela a tshi fara, vhunga bampara kha goloi. O vha a tshi khou ntsireledza kha lufu. Huno tshifhinga tshoṭhe ndi tshi ḫo ita tshiñwe tshithu tsho khakheaho, Mudzimu o vha a tshi ḫo vha o mbulaha. Zwa vhukuma, vhukhethwa Hawe vhu a zwi ḫoda. Milayo Yawe i a zwi ḫoda. Huno tshifhinga tshoṭhe ndi tshi ḫo ita tshiñwe tshithu,

kana na ita tshiñwe tshithu, Malofha a Yesu Kristo a shuma sa bampara. Huno nda vhona lukole lutswuku lu tshi amba hezwo, zwenezwo, Malofha a kha ñi vha o fara liphasi.

<sup>65</sup> Huno musi ndi tshe ndo ima, ndo sedza, nda sendela tsini Nae samusi ndi tshi Mu dzhiela nzhele. Huno nda kona u Mu pfa a tshi ri, “Khotsi, muhangwele, ha ñivhi zwine a khou ita.” Huno nda sedza fhasi, huno heneffo ho dzula bugu. Huno ho vha hu na Muruñwa wa u rikhoda heneffo, huno o ima nga thungo Hawe. Huno tshifhinga tshoñhe ndi tshi ita tshivhi, zwo ñwalwa fhasi buguni. Huno dzina langa lo vha li khazwo. Huno nda limuwa uri liñwe duvha, ndi . . . ulwo lukole lwa Malofha lu ñ do bvisha huno ndi ñ do tea u ima phanda ha Vhuhone ha Mudzimu, na vhutshilo hanga ha muitazwivhi. Fhedzi, ndo vhona, nga khathutshelo Yawe O ūusa khañhulo yanga.

<sup>66</sup> Nda ya Khae, nga u ñitukufhadza. Nda gwadama nga magona, huno nda ri, “O Yesu, Iwe Murwa wa Mudzimu, a tho ngo fanelwa u ña Vhuhoneni Hau. Fhedzi naa U nga nkhangwela kha zwe nda ita?”

<sup>67</sup> A kwama lurumbu Lwawe nga tshanda Tshawe, a dzhia bugu ya kale huno a ñwala “o farelwa” khayo, a i posela murahu Hawe, huno zwivhi zwanga zwo vha zwo ñuwa! Huno zwenezwo A ntsedza, nga tshifhañuwo tshi na vhungoho, A ri, “Zwino ndo u hangwela, fhedzi u ñoda u mu hañula.” Zwenezwo nda vhona zwine zwa amba.

<sup>68</sup> Musi ndi tshi bva kha bono, nda tshimbilela khae. Nda ri, “Naa ni vuwa hani?”

<sup>69</sup> O vha a tshi khou ñwa. A ntsedza, huno a ri, “Oo, helo.”

Nda ri, “Naa ndi nga dzula?”

A ri, “Ndi na muthu.”

<sup>70</sup> Nda ri, “A thi zwi ambi nga heyo ndila, khaladzi. Ndi khou tou ñoda u amba na inwi fhedzi, lwa muniti.”

A ri, “Dzulani.”

<sup>71</sup> Huno nda ri, “Khaladzi, lwa miniti i si gathi yo fhiraho, ndo ima nga murahu ha ula munango . . .” Nda thoma u mu vhudza. Huno musi ndi tshi thoma u sedza, miñodzi ya thoma u shuluwa kha mashama awe. Huno a mbudza . . . nda ri, “Khaladzi, a ni khou ita hezwi zwithu nga khole. Yesu o fa, huno khañhulo dza Mudzimu dzo farwa nga Malofha Awe. A ni khou ita hezwi zwithu nga khole.”

<sup>72</sup> Huno a ri, “Hai, mune wanga.” A ri, “Khotsi anga vho vha mudikoni tshivhidzoni. Ndo aluswa muñani wa Vhakriste. Munna wanga na nñe ro vha ri mirado ya u ranga, huno ra tshila vhutshilo ha Tshikriste. Huno a thoma u mmbudza, nga murahu ha lufu lwave . . . O vha a na vhasidzana vhañuku vhavhili, huno a bva ndilani. Na nga ndila ye vhasidzana vha mu ñutshela, huno

o vha o laṭa vhutshilo hawe kule. Huno a elekanya uri a hu tshe na fhulufhelo khae.

<sup>73</sup> Fhedzi nda ri, “Mudzimu, i vha wa khathutselo! ‘Avho vhe A dzula o vha ḋivha, O vha vhidza.’”

A ri, “Naa ndi vhone vhafunzi Vho-Branham, u bva fhasi afho?”

Nda ri, “Ndi nne.”

<sup>74</sup> A ri, “Ndi dishonela, ndo dzula hafha nga heyi ndila.” A ri, “Naa vha elekanya uri hu kha di vha na tshikhala kha nne?”

<sup>75</sup> Nda ri, “Yesu u na zwanda Zwawe zwo tharamuwa, zwo lindela inwi ni tshi da, khaladzi.” Huno vhañwe vhathe vha thoma u dzhieila nzhele. Huno nda ri, “Naa ni do tshimbilela nn̄da na nne afha fhasi semenndeni?”

A ri, “Ndi do ralo, muñe wanga.”

<sup>76</sup> Nda mu dzhia nga tshanda. Nda ri, “Ni kha vhukale vhu no edana na ha mme anga. Naa ni do gwadama afha na nne, semenndeni?” Huno heneffho fhasi semenndeni, ro shadukisa fhała fhethu nga ayo masiari, kha muñangano wa fesheni ya tshikale. Huno Mudzimu a tshidza uła mufumakadzi, nga tshilidzi Tshawe. A di ambadza huno a da muñanganoni, huno, u ya nga hune nda ḋivha, u khou tshila vhutshilo ha Tshikriste madekwana a ḥamusi.

<sup>77</sup> Naa ndi mini? Oo, Mudzimu u ṭoda u khunyelela! U ṭoda u rembuluwa hanu. U ṭoda u fhulufheda hanu Khae. Fhedzi U khou sedza madekwana a namusi. A hu na ndavha uri no no tshinya zwingafhani, zwiñku hani kana zwinnzhi hani, ni kha di vha muitazwivhi, nahone ni nga si dzhene nga iñwe ndila fhedzi nga Yesu Kristo, Tshithavhelo tsho edanaho tsha Mudzimu. Huno Khae no khunyeledzwa lwa tshothe. Humbulani nga hazwo! A si tshinwe tshithu tshire na ita. A si siañari liswa line na vula. A si vhutshilo vhuswa vhune na thoma. Ndi u ñibula vhukhakhi hanu, na tshilidzi tsha Mudzimu kha inwi. Izwo zwi ni ñisa kha u khunyelela, zwenezwo no khunyelela kha Yesu Kristo.

<sup>78</sup> Ndi a fulufhela, madekwana a ḥamusi, khonani yanga, musi ri hafha kha hetshi tshifhingga tsha ndeme zwino, musi tsheo i tshi tea u dzhewa nga murahu ha u pfa iyi nganea. Ni nga vha ni sa athu tshi pfa. Fhedzi ni nga si bvele nn̄da nga minwe ya ayo mahothi nga ndila nthihi ye na da ni zwone, ni tea u bva ni wa khwine kana no tou ḥana.

<sup>79</sup> Huno musi ro kotamisa zwifhañwo zwashu lwa tshifhinganyana, ndi ṭoda inwi ni tshi elekanya nga maanda nga hazwo. Mini-ha nga ha maya wañu madekwana a ḥamusi? Yesu Kristo o ni fela.

<sup>80</sup> Inwi ni ri, “Mukomana Branham, ndi lini hune ndi nga litsha u daha, ndi lini hune ndi nga litsha u ñwa, ndi lini hune ndi nga

dzudzanya izwi zwithu, ndi do zwi ita.” Oo, a zwi nga do vhuya zwa itwa nga ndila yone. Ni nga si vhuye na kona u zwi ita. Ndi ngani ni sa di nga ndila ine na vha ngayo? Huno, nga lutendo, iyani kha itshe Tshisima, zwilonda zwau zwielelaho, zwenezwo lufuno lu rengululwaho u vha linwalwa lanu, huno lu do ralo u swika ni tshi fa.

<sup>81</sup> Ndi ngani ni tshi dzhia tshiimela? Ndi ngani ni tshi lingedza u dzhena nga tshivhidzo tshanu? Ndi ngani ni tshi lingedza u dzhena nga uri no litsha u nwā kana no litsha u zwifha? Idani nga ndila ya u khunyelela! “Ngauri, nga Tshithavhelo tshithihi, O khunyeledza lwa tshothe avho vhe a vha khethefhadza.”

“Naa ndi khethefhadzwa hani?”

<sup>82</sup> Bulani zwivhi zwanu Vhuhoneni ha Malofha a Yesu; huno Vhutshilo vhu no bva kha hayo Malofha, a da murahu kha muloshi, huno a mu kunakisa kha lutamo lwa zwithu zwa shango. Ngauri, nga nthani ha itshe Tshithavhelo tsho edanaho tshothe, O ri kunakisa; Muya muthihi, rothe ro lovhedzelwa kha Muvhili muthihi. “Zwino a hu tshe na u latwa kha avho vha ri kha Kristo Yesu, kha avho vha sa tshimbili nga lwa nama, fhedzi nga Muya.” Arali ni tshi khou lingedza u tshimbila nga Muya, huno ni tshi kha di tama zwa nama, Tshithavhelo a tshi athu shumiswa lwo fhelelaho kha inwi. Fhedzi muloshi a vhuya a tanzwiwa, ha tshee na lutamo lwa tshivhi.

<sup>83</sup> Iyo yo vha i Khalivari. A si fhethu ha u rengisa maluvha, kana fhethu hułuku ha u ita *hezwi* kana *zwila*. Ndi fhethu hune Mudzimu na muthu vha pfumedzana. Ndi fhethu he mulalo na tsireledzo yo fhelelaho ya diswa kha muthu. Naa ni nga tuwa na nne, madekwana a namusi, khonani yanga ya muitazwivhi, ngei Khalivari, huno nga lutendo ni shumise ayo Malofha kha maya wanu, huno ni tendele Muya Mukhethwa u de huno u ni khethefhadze nga Tshithavhelo Tshawe tshihulwane?

<sup>84</sup> Musi ri sa athu rabela, naa ni do imisa tshanda tshanu kha Mudzimu, huno na ri, “I vha wa khathutshelo kha nne, Mudzimu. Zwino ndi bula vhuvhi hanga hothe, kha aya madekwana a Lavhułanu Lavhudzi. Huno ndi khoda na u tambula huhulu he Kristo a nnyitela hone. Zwino ndi kumeda lutamo lwanga, zwitutuwedzi zwanga na tshiñwe na tshiñwe, u tevhela Iwe u bva lino duvha, u ya phanda.” Naa ni do imisa tshanda tshanu, na ri, “Nkhumbuleni, Mukomana Branham, kha thabelo. Heyo ndi tsheo ya mbilu yanga”? Naa hu kha di vha na muñwe, kha uvhu vhusiku vhuhulu, musi ro lindela lwa tshifhinganyana? Nga hafha kha lurumbu lwa tshanda tshanga tsha u la, ngangoho hu na muñwe nga hangei. Naa ni na thoni kha zwivhi zwanu? Naa ni na thoni na zwe na ita?

<sup>85</sup> Shango madekwana a namusi li khou todha vhakundi. Huno li navho vhakundi, ri tshi amba lwa nama.

<sup>86</sup> Linwe duvha nga hangei Switzerland, musi Vhaswiss vha Switzerland vho vha vha khomboni, tshigwada tshițuku tsha Vhaswiss tsho kuvhangana nn̄da midavhini, u lwela—lwela ikonomi yavho. Mmbi khulwané ye ya vha i tshi khou da yo vha i khulwanesa khavho; vho vha vho pfumbudzwa vhothe, vho vha vha na mabanga mahulu na zwipilela khana. Vhatu vha Vhaswiss vho vha vha nga si ite tshithu nga nn̄da ha u nyama. Vho vha vho livhana na thavha. Huno zwenezwo ha vha na ngwenya ye ya bvela khagala. Muñwe muthu o do tea u fa. Huno arali vha fhenywa kha nn̄dwa...

<sup>87</sup> Vho vha vha si na tshithu fhedzi mabanga a tshi kale, matombo, na dzithanda, zwa u lwa ngazwo. Musi, mmbi i daho yo vhonala sa luvhondo lwa zwidina. Arali vha kundwa, vhabumakadzi vhavho vhațuku vho vha vha tshi do dzhiwa, vhasidzana vhavho vhațuku vho vha vha tshi do dzhiwa, vhuskie havho vhuțuku ho vha hu tshi do vhlawa, ḥohoho dzavho dzo vha dzi tshi do thuthubiswa, mahaya avho o vha a tshi do vha o ḥuwa, tshiňwe na tshiňwe tsho vha tshi tshi do vha tsho ya.

<sup>88</sup> Zwenezwo ho vha hu na munna, ane dzina lawe li a hangwea nga u ḥavhanya, nga dzina la Arnold von Winkelried. A bvela khagala, huno a ri, "Vhanna vha Switzerland, heli duvha ndi nekedza vhutshilo hanga ndi tshi itela Switzerland." A ri, "Nga hangei seli ha thavha hu na nn̄du tshena. Ndi na mufumakadzi na vhana vhararu vho ndindelaho. Fhedzi vha nga si tsha mbona hafhu, ngauri, heli duvha ndi ḥekedza vhutshilo hanga ndi tshi itela Switzerland."

Vha ri, "Naa ni do ita mini, Arnold von Winkelried?"

<sup>89</sup> A ri, "Ntevheleni, huno ni ite zwa khwinesa zwine na nga kona nga zwine na vha nazwo u zwi ita ngazwo."

<sup>90</sup> Huno a sedza kha mmbi u swika a tshi wana pfumo lidenya. Huno a imisela zwanda zwawe muvani, a gidimela kha luvhondo luhulu lwa mapfumo, huno a tshi khou tzhemba, "Itani ndila ya mbopholowo! Itani ndila ya mbopholowo!" Mađana a mapfumo a rembuluwa u mu imisa; a bvisela zwanda zwawe nn̄da a kuvhanganya kha zwirumbi zwawe, zwe a mu wisela fhasi, huno a fa kha magumo a ayo mapfumo. Avho Vhaswiss vha mutevhela vhe na matombo na dzithanda. Huno uho u vhonadzwa ha tshivhiti tsha ngwena ha khwaṭhisia iyo mmbi, u swika vhatu vha Switzerland vha tshi vha kunda nn̄da ha shango. Huno a vha athu vhuya vha vha na nn̄dwa u bva tsheetsho, lelo duvha.

<sup>91</sup> Imani Switzerland ni bule dzina la Arnold von Winkelried, ni do vhona mitodzi i tshi elela kha mashama avho. Ndi ngani? O tshidza shango ḥavho. Uyo wo vha u mushumo wa mufhenyi muhulu. A zwi vhambedzei, huno a zwi athu fhirwa, kha lino liphasi.

<sup>92</sup> Fhedzi, oo, tsho vha tshi tshithu tshițuku kha zwe zwa itea linwe duvha! Musi lushaka lwa Adamu lu tshi ima, madimonni a

tshi khou matsha u bva kha sia līnwe na līnwe, vhuporofita ho vha ho kundelwa, mulayo wo vha wo kundelwa, zwīthavhelo zwa mbudzi na ngwana two vha two kundelwa, mvumbo ya muthu yo vha yo kundelwa, tshīnwe na tshīnwe. Huno lushaka lūtuku lwa Adamu lwa ima, lwo kundiwa; lu tshī fhirwa nga tshivhalo nga vhodiabolo, vhutendamadambi, malwadze, mabiso. Ho vha na Mūnwe we a bva Tadulu, huno a ri, “Helī duvha ndi do fela lushaka lwa Adamu.” O da shangoni huno a itwa ɣama. O sedza fhasi henefho he vhukati ha mapfumo ha vha ho swifhalesa. Swiswi lihulwanesa la nyofho dzōthe dza muthu ho vha hu lufu, huno A dzhia lufu kha zwirumbi Zwawe. Huno ngei Khalivari A badela tshīthavhelo, huno a ɣavha mukosi, “Itani ndila ya Mbofholowo!”<sup>93</sup>

<sup>93</sup> Huno A ɣavhela mukosi Tshivhidzo Tshawe, “Dzhiani Hezwi zwe nda ni siela zwone, Malofha Anga na Muya Wanga, huno ni lwe nga tshīnwe na tshīnwe tshine na vha natsho.” Ri nga kunda madekwana a ɣamus, nga kha Hezwo, khonani. Ni nga pandela diabolo kule hanu. Swina līnwe na līnwe la kale li re vhutshiloni hanu, li nga bviselwa nnda nga Malofha na nga Muya wa Kristo, huno ni nga ima no khunyelela kha Vhuhone Hawe. Kristo o ita ndila!

<sup>94</sup> Naa ni nga ita zwinzhi two engedzeaho nga maanda vhunga u imisa tshanda tshañu Khae, huno na ri, “Nkhangwele”? Mudzimu a ni fhātshedze, mukomana. Mūnwe-vho, “Ivha wa khathutshelo kha nne, Mudzimu, zwino ndi bula vhukhakhi hanga”?

<sup>95</sup> Naa u hone mūnwe murado u rotholaho wa tshivhidzo ane a ya tshivhidzoni duvha na ɣuvha, huno khanwe a lingedza u vha wa vhurerelī nga hune a kona ngaho, huno naho two ralo ni a zwī divha uri mbiti na khani, na tseda, madzema zwi ni tsitsela fhasi u swika ni si tshena gundo? Naa ni do takalela u kunakiswa nga Malofha, madekwana a ɣamus, u bva kha hezwo zwēthe? “Ngauri muloshi a vhuya a kunakiswa ha tshe na luvalo...” Naa ni do takalela u imisa tshanda tshañu, inwi murado wa tshivhidzo? Mudzimu a ni fhātshedze, khaladzi. Imisan tshanda tshañu ni ri, “Mukomana Branham, nkhumbule thabeloni.” Mudzimu a ni fhātshedze, khaladzi. Izwo ndi zwone. Itsho ndi tsha vhukuma... Itsho ndi tshithu tsha vhukuma tshine tsha fanela u itwa. Mudzimu a ni fhātshedze murahu hangei, mūne wanga.

<sup>96</sup> Mūnwe muthu imisani tshanda tshañu, huno ni ri, “Ivha wa khathutshelo kha nne, Mudzimu. Ndi a zwī divha uri ndi diambela Vhukriste, fhedzi a thi vhutshilo. Ndi a zwī divha uri a thi ralo. Huno mbiluni yanga, a thi ngo dzudzanyeа zwavhuđi na Iwe. Ndi ɣoda u vha mūnwe wa vhanangiwa vha Mudzimu. Ndi a zwī pfa mbiluni yanga uri ndo ralo, fhedzi a thi athu vhetshela kule mihwalo i no ndemela nga ndila ileluwaho. Huno ndi ɣoda u i vhetshela thungo madekwana a ɣamus. Huno, nga tshilidzi

tsha Mudzimu, ndi do zwi ita. Nthabeleleni.” Naa ni do imisa tshanda tshanu? Mudzimu a ni fhaṭutshedze, khaladzi. Muñwevho. Zwitukunyana, ro lindela.

<sup>97</sup> Musi ro lindela ro dzika, muñwe na muñwe zwino a na thoho yawe yo kwatama thabeloni, nga ndila yo dzikaho nūnani ulwu zwino.

Hu na Tshisima tsho dalaho Malofha,  
A bvaho kha lutsinga lwa Imanuele,  
Huno vhaitazwivhi vha mbwandamela fhasi ha  
muḍalo Wawe...  
Xedza dondo lavho lothe la mulandu,  
xedza...

<sup>98</sup> Naa ni nga si zwi elekanya zwa zwino? Ni songo lingedza u zwi ḥanza. Kristo u zwandani zwanu.

<sup>99</sup> Pilato o zwi lingedza, matsheloni ano, nga awara ya vhurathi n̄tha ha tshithoma; fhedzi zwanda zwave zwi kha di vha na malofha, mulandu wa malofha. Ni a divha zwe zwa bvelela khae. O ya ngei n̄tha Switzerland, miñwaha minzhi nga murahu, a xelexwa nga ḥalukanyo yawe, a di posa ene muñe kha tivha la madi uri a fe. Matsheloni ano, ngei Switzerland, vhathu vha madana vha da u vhona iyi mboni, madi madala a vhila a tshi gonyela n̄tha u bva kha vhudzivha ha tivha lihulu la madi. Vha zwi ita n̄waha muñwe na muñwe. Ndi zwithu zwa kale, vha ri Mudzimu o hana madi a tshi ḥanzwa zwan̄a zwave.

<sup>100</sup> Mukomana, zwi si na ndavha uri ni lovhedzwa lungana, tshiñwe na tshiñwe tshine na lingedza u ita, a hu na tshire tshi nga kunakisa zwanda zwanu nga nn̄da ha Malofha a Kristo. Mudzimu o zwi landula. Huno madi madala, nga murahu ha miñwaha ya zwigidi zwivhili, nga khonadzeo, a kha di vhila. Mudzimu o zwi hana. U luga hanu inwi muñe hu nga si ḥanzwe zwivhi zwanu. A hu na nga nn̄da ha Malofha a Yesu! Humbulani nga hazwo. Ri khou ya u rabela, lwa tshifhinganyana.

<sup>101</sup> A thi divhi arali ndi tshi nga humbela tshiñwe tshithu madekwana a ñamusi. Musi O ima henefho kha holo ya khaṭhulo ya Pilato, matsheloni ano, huno a ri, “Arali Muvhuso Wanga wo vha u wa ili liphasi, ndo vha ndi tshi nga amba na Khotsi Anga huno nga u ḥavhanya O vha a tshi do rumela Ene mmbi dza fumimbili dza Vharuñwa.” Musi, muthihi wawho a tshi nga fhedza shango. “Ndo vha ndi tshi do amba Nae, huno mmbi dza fumimbili dza Vharuñwa who vha vha tshi do vha henefho kha uri Ndi vha shumise.” O vha a tshi do vha o zwi ita. Fhedzi O ima henefho, vhulenda na u ḥitukufhedza, u dzhia lufu lwanu na u dzhia zwivhi zwanu.

<sup>102</sup> Naa ni do vha wa u livhuwa lwo eđanaho u itela itsho Tshiṭhavhelō madekwana a ñamusi, inwi ane na vha na ḥodea yatsho, na vha na ḥodea ya phaṭhutshedzo dza Mudzimu, naa ni do ima nga milenzhe yanu u itela thabelo? Itanu ima nga

milenzhe yanu, vho inwi vhane na ṭoda u elelwa kha ino thabelo, ni tshi ri, "Mudzimu, ivha wa khathusthelo kha nne. Ndi na mulandu, ndo ita hovhu vhukhakhi, huno zwino ndi ṭoda u ṭanganedza khangwelo yanga nga kha Kristo Yesu." Naa ni do ima nga milenzhe nga tshino tshifhinga? Mudzimu a ni fhaṭutshedze, musidzana muṭuku. Ndi tshivhiti hetsho. Itanu vha no ima henefho.

<sup>103</sup> Ni mmbudza uri no imisa tshanda tshanu, huno a ni na vhungoho ho eḍanaho u ima nga milenzhe yanu? Naa ndi zwifhio zwivhuya zwe Mafhundo-maḍifha a vhuya a ita kha inwi? Oo, u tambo honoho na tshivhidzo, u tambo na Mudzimu! Awara yo sendela, liñwe ḫuvha bomo ya athomiki i ḫo rwa huñwe u mona nga hafha, kha hezwi zwiñwe zwimela zwiñhulu zwa buse. A hu nga do vha na muthethe na muthihi wa u humbula nga hazwo. Hu ḫo vha ho no lengwa zwenezwo, huno khamusi Paseka iḍaho i sa athu swika, kana na ino Paseka. Naa ni nga si ime zwino, na ri, "Mudzimu, i vha wa khathutshelo kha nne, muitazwivhi. Zwino ndi ṭanganedza Kristo, nga u dinekedza Ene-mune sa tshipfumelo tsha zwivhi zwanga. Huno ḫa tshilidzi Tshawe, huno tshilidzi Tshawe fhedzi, ndi dzula Vhuhoneni ha Mudzimu." Naa ni do bula vhukhakhi hañu? Mudzumba tshe a tshinya ha nga vuledzi tshithu. Uyo ane a bula tshivihi tshawe, u na khathutshelo. Zwi kha inwi. U khou lavhelesa.

<sup>104</sup> Zwino, Murena washu o Fhaṭutshedzwaho, nga mbalo yo lugelaho madekwana a ḫamusi ho ima mimuya miraru, munna muthihi na musadzi muthihi.

<sup>105</sup> Musi ndi tshi humbula, Murena, nga Khaļivari, musi muñwe kha liñwe sia, o ri, "Murena, nkhumbole musi Iwe u tshi da Muvhusoni Wau"; muñwe a ri, "Arali Iwe u, i ri ri vhone ḫembe, ri tsitse kha tshifhambano huno U ditshidze." Huno muñwe-who a ri, "Mudzimu, ivha wa khathutshelo kha nne." Huno ḫohoh Yau yo nembelela kha tshanda tsha u ḫa, huno a ri, "Namusi iwe u do vha u na Nñe pharadisoni." Fhedzi Wo vha wo fhumula kha u ḫa muñwe, ngauri ho vha hu si na thembuluwo.

<sup>106</sup> Huno, Khotsi Mudzimu, ndi rabela uri hezwi khamusi... Ndi ḫo fhulufhela uri ndi vhone vhararu fhedzi kha tshifhaṭo, vhane vha pfa uri vha na ḫodea ya u bula vhukhakhi havho. Fhedzi ngauri vho da nga ndila yo eḍanaho, ndila ya tshifhambano. Vha hangwele, Murena, huno u vha fhaṭutshedze. Who ima hafha madekwana a ḫamusi; samusi Wo vha imela, kha holo ya khathulo ya Pilato; samusi Wo vha imela, vhukati ha Liṭadulu na lifhasi, musi ḫuvha li tshi kovhela huno ḫwedzi wo vha u nga si kone u nea tshedza tshawo, huno luvhemba lwa thembele lwa kheruwa u bva n̄ha u swika fhasi. Ndi a rabela, Mudzimu, uri U ḫo vha fhaṭutshedza huno wa vha nea zwa khathutshelo Yau, huno wa vha kunakisa nga Malofha Au. Huno wa vha lovhedza nga Maanda Au a khethefhadzaho, kha Muvhili

Wa Murwa Wau, Kristo Yesu, zwenezwo vho vhulungelwa tshifhinga na Vhutshilo Tshothe. Fhaṭutshedza vhańwe vhane vha pfa uri vho luga, uri vho no swikelela hezwi huno vha ita ngauralo. Ndi rabelela hedzi phaṭutshedzo khavho, nga Dzina la Kristo. Amene.

<sup>107</sup> Mudzimu a ni fhaṭutshedze. Na vhoinwi vho imaho tsini na avho vho imaho, vhaswikeleleni ni khade zwanda zwavho, muńwe muthu, huno ni ri, “Murena a ni fhaṭutshedze,” ndi zwone, sa tshanda tsha vhuledzani.

<sup>108</sup> Ro tou lenga zwiłukunyana kha tshumelo dzashu. Ndi vhangana vha no funa Murena Yesu, imisani zwanda zwańu? Ndi a whilaela, ro fhumula zwino, kana nga u dzika nga hune ri nga kona, nga nyelelo ya Uyo a re hothe, A re hone madekwana a namusi, arali ri tshi nga imba ro dzika.

Ho vha hu fhasi tshifhambanoni he Mutshidzi  
wanga a fa,  
Fhasi henehfo he nda lilela u ḥanzwiwa kha  
tshiyhi;  
Henehfo mbiluni yanga (musi no swikelela  
thodea, no vhea zwanda zwańu Khatsho),  
henehfo mbiluni yanga Malofha a shumiswa;  
Oo, vhugala kha Dzina Lawe!

Kha ri luimbe ro dzika zwino, musi ri tshi kotamisa zwifhańuwo zwashu Khae.

Fhasi tshifhambanoni he Mutshidzi wanga a  
lovha,  
Fhasi henehfo he nda lilela u ḥanzwa kha  
tshiyhi;  
Henehfo mbiluni yanga Malofha a shumiswa;  
Vhugala kha Dzina Lawe!

Vhugala kha Dzina Lawe, Dzina ḥavhudī!  
Vhugala kha Dzina Lawe ḥavhudī!  
Henehfo mbiluni yanga Malofha a shumiswa;  
Vhugala kha Dzina Lawe!

<sup>109</sup> Zwino nga u dzika, na zwifhańuwo zwa vhoinwi zwo kwatama. Vhoinwi no tshidzwaho, ni ri, “Oo...” Imisani zwanda zwańu zwino.

Oo, Tshisima tshavhudī tshi no tshidza kha  
tshiyhi!  
Ndo takala nga maanda uri ndo dzhena ngomu;  
Henehfo hune Yesu a ntshidza nahone a  
ndzudza ndo kuna;  
Vhugala kha Dzina Lawe!

Vhugala kha Dzina Lawe ḥavhuđi!  
 Vhugala kha Dzina ḥavhuđi!  
 Henefho kha mbilu yanga Malofha a  
 shumiswa;  
 Vhugala kha Dzina ḥawē!

<sup>110</sup> Zwino zwanda zwańu zwi fhasi, zwifhađuwo zwańu  
 zwe kotama. Nđo tou elekanya; muńwe muthu o founa  
 tshifhinganyana tshi si gathi tsho fhiraho, huno a ri muńwe  
 muthu u ḥoda u elelwa kha thabelo madekwana a ḥamusi, u  
 itela muvhili wavho. Vho vha vha nga si kone u vhuya murahu  
 muđanganoni nga madekwana a Swondaha, u itela tshumelo  
 khulu ya phodzo. Naa ni do ima nga milenzhe yanu, inwi ane na  
 ḥoda u elelwa kha iyo thabelo zwa zwino?

...kha mbilu yanga Malofha a shumiswa;  
 Vhugala kha Dzina ḥawē!  
 Vhugala kha...

<sup>111</sup> Zwino zwifhađuwo zwańu zwe kotama. “O huvhadzelwa  
 vhukhakhi hanu, vhaisalela vhutshinyi hanu, ḥamu ya uri ri  
 wane mulalo yo vha i Khae, huno nga ntho Dzawe no fhola.”

Vhugala kha Dzina ḥawē!

<sup>112</sup> Zwino, Khotsi wa Phađutshedzo, musi ri tshi da kha  
 tshifhambano nga ndila ya u đitukufhadza zwa zwino, he  
 tshilidzi na khathutshelo zwe nngwana, henefho he i Penyaho  
 na Naledzi ya Mutsho ya phađaladza masana Ayo u mona na  
 nne. Havha vhalwadze vho ima Vhuhoneni Hau. Vha khou tenda  
 zwino, uri nga lutendo, vha sedza kha idzo ntho murahu, hangei.  
 “Huno nga ntho Dzawe ro fhodzwa.” Khotsi Mukhethwa  
 khethwa, ri da ri tshi bula lutendo lwasu, ri tshi tenda uri U  
 fhodza mivhili yashu i lwalaho, nga kha u tambula huhulu ha  
 Murena Yesu. Huno ri nekedzela avha vhatu vho imaho, thabelo  
 ya lutendo, zwauri Wo fhulufhedzisa uri u do fhodza vhalwadze.  
 Huno rine, rođe, sa vhuthihi ha vhatendi Vhau madekwana a  
 ḥamusi. Wo ri, “Hune vhavhili kana vhararu vha kuvhangana,  
 ndi do vha vhukati havho.” Huno ri vha humbelela khathutshelo,  
 uri zwino tshilidzi Tshau tshi kwame ngomu-ngomu ha mimuya  
 yavho, uri tshińwe tshithu tshi farelele fhasi fhasi ngomu; uri  
 vha divhe uri Kristo u hone fhano nahone o amba navho, a tshi  
 ri, “Nwananga, ndo dzhia malwadze au ngei Khalivari. Zwino  
 itau đisa mbilaelo dzau dzođe kha Nne, ngauri Ndi na ndavha  
 na iwe.” Huno ngavhe vha tshi fhodzwa, vhulwadze vhuńwe na  
 vhuńwe, ngauri ri zwi humbelela nga Dzina ḥa Yesu. Amene.

<sup>113</sup> Huno musi vha tshi dzula fhasi zwino, muńwe a re tsini  
 havho, vheani zwanda zwańu khavho, muńwe muthu we a vha  
 a tshi khou vha rabelela. Bivhili i ri, “Vha do vhea zwanda kha  
 vhahođa; vha do fhola.” Murena a fhađutshedze.

<sup>114</sup> Arali ndi sa khou khakha, a thi khou sedza kha munna  
 we a fhodzwa hafha mađuvha a si gathi, kana Swondaha dzo

fhiraho dzi si gathi, we a vha a dzingandevhe kana tshiñwe tshithu kha ndeve? Ndi a vhona ni khou diphina nga muñangano madekwana a namusi. Naa ni khou mpfa zwavhuđi zwino? Ndi zwavhuđi. Žwo naka! Itanu ima nga milenzhe yanu lwa tshifhinganyana. Ndi vhanganu vha no mu elelwa a tshi vha hafha? Huno a fhira nga kha muduba wa thabelo, a mu humisela murahu kha pulatifomo, huno Murena a mu fhodza huno a mu nea mutakalo. Murena kha fhađutshedzwe! Ndi a livhuwa, mukomana, nga vhuđanzi hañu. Zwi nga kha ñi vha nga kha dzidozeni! Fhedzi naa Ha mangadzi?

<sup>115</sup> Zwino, ri ñoda u ni vhona vhusiku ha matshelo, nga u ñavhanya. Huno zwenezwo nga matsheloni a Swondaha, nga u ñavhanya. Nga masiari a Swondaha, huno arali ni tshi nga vhuya u itela tshumelo ya phodzo nga madekwana a Swondaha. U swika ri tshi tangana, kha ri ime ri imbe luimbo lwashu lwa u balangana, “Dzhiani Dzina La Yesu Na Inwi.”

Dzhiani Dzina la Yesu na inwi,  
 Ñwana wa mañungu na mañupho;  
 Li ño ni takadza na u ni khuthadza...  
     (Rembuluwanu huno ni khađane zwino na  
     muñwe na muñwe.)  
 Li dzhieni huñwe na huñwe hune na ya.  
 Dzina lavhuđi, (rembuluwani ni khađane), O,  
     li difha hani!  
 Fhulufhelo la liphasi na dakalo la Tađulu;  
 Dzina lavhuđi, Dzina ñavhuđi, O li ñifha hani!  
     Li ñifha hani!  
 Fhulufhelo la liphasi na dakalo la Tađulu.

Zwino sedzani hangeno.

Kha Dzina la Yesu ro kotama,  
 Ro shuvhama milenzheni Yawe,  
 Khosi ya dzikhosi ngei Tađulu ri ño I ambadza  
     khare,  
 Musi lwendo lwashu lwo no fhela.  
 Dzina lavhuđi, O li ñifha hani! O li ñifha hani!  
 Fhulufhelo la liphasi na dakalo la Tađulu;  
 Dzina lavhuđi, O li ñifha hani! O li ñifha hani!  
 Fulufhelo la liphasi na dakalo la Tađulu.

<sup>116</sup> Zwino elelwani khwairi ya Neville, khasho ya vhaimbi vhañu nga matsheloni, WLRP, nga awara ya ñahe. Huno Mukomana Striker u ña nga minete ya fumiñhanu u ya kha awara ya vhufumi, nga Swondaha nga matsheloni. Ro vha ri tshi khou mu itela theiphi nga haya masiari, kha mvuwo.

<sup>117</sup> Huno zwino, u swika ri tshi tangana hafhu, phađutshedzo dza Murena dzi vhe na vhoiñwi, musi ri tshi kotamisa zwifhađuwo zwashu. Huno ndi khou ya u humbelu khonani yanga yavhuđi na mukomana, Mukomana Palmer, u bva Macon,

Georgia, arali a tshi nga balanganya hetshi tshigwada nga ipfi  
la thabelo, musi ri tshi rabela. Mukomana Palmer.



*U KHUNYELELA* TSV57-0419  
(The Perfection)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Ḵavhučanu Ḵavhuči, Lambai 19, 1957, Thaberenakeleṇi ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaqladzwa nga vha Voice Of God Recordings.

TSHIVENDA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)